

CYNGOR CYMUNED BETWS

2005 07 Gorffennaf Cofnodion

CYNGOR CYMUNED Y BETWS

Cynhaliwyd cyfarfod misol y Cyngor yn Festri Capel Newydd, Betws ar Ddydd Mercher y 13eg o Orffennaf 2005 am 7.00 p.m.

YN BRESENNOL: Cynghorwr Loreen Lewis (Cadeirydd), Henadur D Arnallt James, Cynghorwyr Menna Roberts, Carwyn James, Delyth Richards, Peter Cowell, Anne Sizmur, Annette Price, Keith Rees a'r Cynghorwr Sir John D Evans.

YMDDIHEURIAD: Cynghorwyr Graham Vaughan, E Audrey Jones a June Gunter.

DATGANIADAU GAN AELODAU AM FUDDIANNAU ARIANNOL A RHAI HEB FOD YN ARIANNOL.

Dim.

1. I DDARLLEN AG YSTYRIED Y COFNODION O'R CYFARFOD A GYNHALIUYD AR YR 8fed O FEHEFIN 2005.

Cadarnhawyd a llofnodwyd cofnodion y cyfarfod a gynhaliwyd ar y 8fed of Fehefin 2005.

2. MATERION YN CODI.

2.1 Safle Gwe Cymunedol.

Roedd y Cynghorwr Peter Cowell wedi dweud wrth y Cynghorwyr bod y Cyfrifiadur wrth Gymdeithas y Teithwyr yn mynd i gael ei ddisbarthu ar y 14eg o Fis Gorffennaf, mae ef wedi rhoi hwn ar yswiriant ei dy, sydd yn mynd i gostio tua £20 y flwyddyn. Hefyd mae 'na dâl o £35 am gofrestru ar y we. Cytunodd y Cynghorwyr i dalu'r costau hyn, a bydd yn cael eu talu yn eu pryd.

NODWYD: Y pwynt uchod.

2.2 Ymweliad â safle Gwaith Glo'r Betws.

Rhododd y Cynghorwr Peter Cowell adroddiad manwl yngly^n â'r safle we. Roedd y Cynghorwr Loreen Lewis wedi dweud fod yr ardal wedi cael ei thacluso cyn yr ymweliad ar y safle a hefyd roedd y peiriannau wedi'u tawelu.

Dywedodd y Cynghorwr Peter Cowell ei fod wedi cael copi o GR3 map o Fetws wrth Adran Gynllunio Cyngor Sir Caerfyrddin. Awgrymodd y Cynghorwr Annette Price fod y Clerc yn anfon am gopiâu i'r Cynghorwyr i gyd.

PENDERFYNWYD: bod y Clerc yn cael copiâu o'r map i'r Cynghorwyr.

Dywedodd y Cynghorwr Annette Price wrth y Cynghorwyr fod y gweithwyr sy'n gweithio ar safle gwaith Glo'r Betws yn dechrau'r peiriannau cyn 7.30 y bore a'u bod yn gweithio tan 7.30 y nos. Mae'r trigolion wedi bod yn cwyno oherwydd bod sw^n a dwst yn dod o'r safle.

Awgrymodd y Cynghorwr Annette Price fod y Clerc yn cysylltu gyda Adran Iechyd yr Amgylchedd.

PENDERFYNWYD: bod y Clerc yn ysgrifennu at Adran Iechyd yr Amgylchedd.

2.3 Awdurdod Glo - Perygl Arwynebedd Gwaith Glo Rhydaman Rhif. 1.

Dywedodd y Cynghorwr Peter Cowell ei fod wedi bod yn siarad gyda'r Awdurdod Glo i weld beth sydd yn digwydd yngly^n â diogelu'r drifft. Dywedodd yr Awdurdod Glo iddynt ysgrifennu at TRJ i ofyn am ganiataid i fynd ar y tir i ddiogelu'r drifft. Nid yw'r Awdurdod Glo wedi derbyn ateb eto wrth TRJ. Awgrymodd y Cynghorwr Peter Cowell fod llythyr yn cael ei ddanfoni i TRJ

i ofyn am fynediad i'r Awdurdod Glo i'r tir.
PENDERFYNWYD: bod y Clerc yn ysgrifennu at TRJ.

2.4 Rhoddion.

Darllenodd y Clerc ateb derbyniodd wrth y Parchedig Delyth Bowen, yn dweud fod yr arian mae Cyngor Cymuned y Betws yn rhoi tuag at gynhafiaeth mynwent Dewi Sant yn cael ei dalu mewn i gronfa'r fynwent a nid i'r cyfrif canolog.
NODWYD: Y pwynt uchod.

2.5 Papur Trafod.

Dywedodd y Clerc ei bod hi wedi derbyn cadarnhad bod Eifion Bowen wedi derbyn copi o'r papur trafod.
NODWYD: Y pwynt uchod.

2.6 Ymgyrch Diogelu Cymru Wledig.

Dywedodd y Cynghorwr Anne Sizmur i ddatblygwr wedi torri coeden lawr nôl yn Mis Mai, gan nad oedd yn gwybod am drefn cadwraeth. Awgrymodd y Cynghorwr Anne Sizmur i'r Clerc ysgrifennu at Swyddog Cadwraeth Coedwig, i awgrymu bod pob goruchwyliwr ystâd yn cael copi o'r drefn cadwraeth coedwig a hefyd bod copi yn cael ei ddanfôn i'r Cyngor Lleol, a'i roi i ddatblygydd, pan fo nhw'n cyflwyno cais cynllunio.
PENDERFYNWYD: bod y Clerc yn ysgrifennu at y Swyddog Cadwraeth Coedwig.

2.7 Ffordd Gerdded o Ffordd y Cynol, Betws i Ysgol y Betws.

Dywedodd y Clerc wrth y Cynghorwyr ei bod hi wedi derbyn gohebiaeth wrth Gyngor Sir Caerfyrddin yn dweud bod y mater hwn wedi cael ei drosglwyddo i Gyfarwyddwr y Gwasanaethau Technegol, sy'n gyfrifol am y materion amlinellwyd yn y llythyr.
NODWYD: Y pwynt uchod.

2.8 Pont ym Mharc Betws.

Dywedodd y Cynghorwr Peter Cowell ei fod wedi bod yn siarad gyda Peter Locksmith ac iddo ddweud bod y bwa at y bont yn y parc yn cwmpo i mewn. Awgrymodd y Cynghorwr Peter Cowell fod y Clerc yn dweud wrth Adran y Parc a hefyd yn gofyn beth sydd yn digwydd yngly^n a'r drefn cadwraeth.
PENDERFYNWYD: fod y Clerc yn ysgrifennu at Adran y Parc.

3. GOHEBIAETH.

3.1 Cyngor Sir Caerfyrddin - Goleuadau Nadolig.

Darllenodd y Clerc ohebiaeth derbyniodd wrth Gyngor Sir Caerfyrddin. Mae Cymdeithas y Syrfewyr Sirol wedi diweddarau ei Chod Ymarfer yn ddiweddar ar gyfer Gosod, Defnyddio a Thynnu Goleuadau Nadolig. Awgrymodd y Cynghorwr Annette Price fod y Clerc yn cael copi o'r Còd Ymarfer er gwybodaeth.
PENDERFYNWYD: bod y Clerc yn cael copi o'r Cod Ymarfer.

3.2 Cynhadledd Genedlaethol Cymuned Maes Glo.

Dywedodd y Clerc wrth y Cynghorwyr fod cynhadledd genedlaethol cymuned maes Glo yn cael ei cynnal yn Fife. Gofynnodd y Cynghorwr Keith Rees os allai'r Clerc ddarganfod enw'r cynrychiolydd o Sir Gaerfyrddin.

PENDERFYNWYD: bod y Clerc yn gwneud ymholiadau.

3.3 Mae'r ohebiaeth ganlynol wedi eu cydnabod ac mae'r cynnwys wedi eu nodi.

1. Cyngor Sir Caerfyrddin.

1.1 Anghenion Hyfforddi Cynghorau Tref a Chymuned.

1.2 Cyfarfod Rhwydwaith Cymunedol Yr Aman Mehefin 2005.

1.3 Adolygiad Canol Tymor - Strategaeth Datblygu Economaidd 2000-2010.

1.4 Cynllun Gwella 2005/2006.

- 1.5 Diweddariad Strategaeth Gorfforaethol 2005/10.
2. Un Llais I Gymru.
 - 2.1 Agenda Pwyllgor Ardal Caerfyrddin.
 - 2.2 Cofnodion Pwyllgor Ardal Caerfyrddin.
3. Llywodraeth Cynulliad Cymru.
 - 3.1 Fframwaith Cenedlaethol Tân ac Achub Cymru.
 - 3.2 Cyflawni ein Haddewidion, rhoddyd copïau i'r Cynghorwyr.
4. Cyngor Iechyd Cymuned.
5. Ymchwiliad Cyhoeddus Cynllun Datblygu Unedol Sir Gaerfyrddin.
6. Lyfryn Newyddion Gwasanaeth Tân ac achub Canolbarth a Gorllewin Cymru.

4. MATERION CYNLLUNIO.

Gwrthwynebodd Cyngor Cymuned y Betws y ceisiadau isod:-

E/10453 - Datblygiad Telegyfathrebu Hutchinsons 3 G
Tir ger Bwdist Uchaf, Trehopcin, Pontaman
Hutchinson 3G UK

E/10446 - Adeiladu 16 Melin wynt: Mynydd Y Betws, Betws
Egni adnewyddol Cambrian

Mae'r Cyngor Sir wedi gwrthwynebu'r cais isod:-

E/08905 - Amrywiad o Amod 3 o'r caniatad cynllunio i ganiatáu prosesu'r cynnyrch yn y man
lle golchir y glo
Gwaith Glo Glyncywarch, Betws
L R Phillips

Cytunwyd y ceisiadau isod gan Gyngor Sir Caerfyrddin:-

E/09880 – Bwriad o godi Byngalo
plot o dir ger Fila Pencoed, Heol Maesware, Betws

Mr Geraint Jones

E/09980 - Bwriadu Newid 4 Uned ddiwydiannol
Gwaith Glo y Betws
T R Jones

E/10092 - Bwriadu gwneud estyniad i gegin
28 Heol Pentwyn, Betws
Mrs Griffiths

E/09753 - Ymestyniad dau lawr
Ffarm Llethrlan Fawr
D R Griffiths

E/09647 - Lon newydd i fynediad agos i blot 47 Ffordd Y Cynol, Betws
Plot agos i 47 Ffordd Y Cynol
D M Davies

E/09749 - Gwelliant i gais cynllunio rhif E/07422 rhannu garej ddwbl yn ddau garej unigol
Tir tu ôl i 55-59 Heol Maesware, Betws
Tai Woodstock

5. CYFRIFON.

1. Mr R Lewis - Cynhaliath Llwybrau £800.00
2. CCC - Golau Llwybrau £274.54

3. Cyngorwr Peter Cowell £16.48
4. Rhodd - ChildLine Cymru £100.00
5. Rhodd - Shelter Cymru £100.00
6. Rhodd - Urdd Gobaith Cymru £100.00
7. Rhodd - Band Arian Rhydaman £100.00
CYFANSWM £1491.02
CYTUNWYD: I dalu'r biliau uchod.

Dyweddod y Cyngorwr Peter Cowell wrth y Cyngorwyr fod y Camera digidol wedi cael ei archebu a bydd yn cael ei ddosbarthu ar yr 24ain o fis Gorffennaf, cost y camera yn cynnwys ei dosbarthu yw £105.00
NODWYD: y pwynt uchod.

Dyweddod y Cyngorwr Peter Cowell ei fod wedi gwario £16.48 hefyd ar gofrestru y Safle We Gymunedol ar y rhyngwyd.
PENDERFYNWYD: i dalu £16.48. i'r Cyngorwr Peter Cowell

6. ADRODDIAD HEDDLU DYFED POWYS.

Mynychodd PC Kevin Jones y cyfarfod ar ran Heddlu Dyfed Powys. Adroddodd PC Kevin Jones fod 4 trosedd i'w nodi am fis Mehefin yn ardal y Betws:
1 lladrad golau solar, 1 lladrad trwydded cerbyd, 1 niwed i gerbyd, 1 lladrad.
Nid yw'r troseddau wedi cael eu datrys eto.

Bu 237 o bobl ifainc yn bresennol yn y Disgo Glas a gynhaliwyd yn mis Mehefin.

Dyweddod y Cyngorwr Sir John D Evans ei fod wedi ysgrifennu at Arolygwr y Ward yngly^n â'r ymddygiad gwrthgymdeithasol ym mharc y Betws. Dywedodd bod modd i Gyngor Sir Caerfyrddin wneud mwy i helpu'r sefyllfa. Mae 'na ddau Warden Cymunedol yn ardal Dyffryn Aman, ond mae'n anodd i nhw gadw llygad ar ardal mor ddaearyddol fawr. Dywedodd y Cyngorwr Sir John D Evans fod hefyd wedi ysgrifennu at Brif Weithredwr Gyngor Sir Caerfyrddin i weld os all gynyddu rhif y Wardeniaid Cymunedol, a hefyd i ychwanegu at eu pw^er. Nid yw wedi derbyn ateb eto.

Dyweddod y Cyngorwr Sir John D Evans wrth y Cyngorwyr fod Cynllun Digwyddiadau i'r Sir gyfan wedi cael ei baratoi yn dilyn y rêf ar Fynydd y Betws gan obeithio osgoi digwyddiad tebyg eto. Dywedodd PC Jones fod swyddogion Heddlu yn Lloegr yn gweithio llawn amser ar y mater a byddant yn dweud wrth Heddlu Dyfed Powys am unrhyw drefniadau am ddigwyddiad tebyg y byddant yn darganfod ar yr rhyngwyd.

Gofynnodd y Cyngorwr Arnallt James i PC Jones am adroddiad yngly^n â'r digwyddiad yn Heol Maesware ar y 9fed o Fis Gorffennaf. Nid oedd PC Jones yn ymwybodol o'r digwyddiad, a bydd yn dod o dan droseddau mis Gorffennaf ac yn cael ei drafod yn y Gyngor Cymuned nesaf. Bydd hefyd yn gwneud ymholiadau pellach.

NODWYD: y pwyntiau uchod.

7. ADRODDIAD Y CYNGHORWR SIR

Roedd y Cyngorwr Sir John D Evans wedi adrodd ar y canlynol:-

1. Cais am Fferm Wynt - rhoddwyd map i'r Clerc wrth Adran Busnes a Diwydrwydd sy'n dangos lleoliad arfaethedig y Twrbanau Gwynt. Dywedodd y Cyngorwr Peter Cowell na fu yna astudiaeth Ecolegol a Daearegol o'r Mynydd. Awgrymodd y Cyngorwr Peter Cowell bod cyfarfod arall yn cymryd lle cyn bod llythyr yn cael ei ddanfod i Gyngor Sir Caerfyrddin. Awgrymodd y Cyngorwr Sir John D Evans i ymweld â'r safle ar Fynydd y Betws a hefyd ymweld â Safle Twrbanau eraill. Hefyd dywedodd dylai'r holi gyhoedd gymryd lle, oherwydd mae'r fater difrifol yngly^n â'r cais. Awgrymodd Cyngorwr Anne Sizmur fod y Gyngor yn gwneud ymholiadau i weld pa wrthwynebi on wnaeth Gilfach Goch yn y Rhondda.

Penderfynwyd i gael cyfarfod arbennig ar ddydd Llun y 18fed o Fis Gorffennaf am 7.00 yn y nos.

2. Heol Argoed – mae'r cylfert wedi gorffen.

3. Tir tu ôl I'r Oged a'r Aradr - mae cyfarfod wedi cael ei drefnu gyda'r Adran Ystâd o Gyngor Sir Caerfyrddin ar y 26ain o Orffennaf 2005. Dywedodd wrth y Cynghorwyr pan fo Cynghorwyr Cymuned ar ymweliad safle gyda staff Cyngor Sir Caerfyrddin, nid ydynt wedi'u diogelu gan yswiriant y Cyngor.

NODWYD: y pwyntiau uchod.

8. ADRODDIADAU.

8.1 Betws yn ei Blodau.

Dywedodd y Cynghorwr Anne Sizmur bod Tai Woodstock wedi rhoi tri chwpan fel gwobrau i gystadleuaeth Betws yn ei Blodau. Gofynnodd y Cynghorwr Anne Sizmur os gall y Clerc anfon llythyr o ddiolch i Dai Woodstock.

PENDERFYNWYD: bod y Clerc yn danfon llythyr o ddiolch i Dai Woodstock.

9. UNRHYW FATER ARALL.

9.1 Dalen wrth yr Heddlu.

Roedd y Cynghorwr Loreen Lewis wedi dweud wrth y Cynghorwyr fod yr Heddlu wedi dosbarthu dalen sydd yn manylu rhif ffôn galwadau heb fod yn alwadau brys i'r Heddlu - 0845 3302000.

NODWYD: Y pwynt uchod.

9.2 Cyfarfod Un Llais I Gymru.

Dywedodd y Cynghorwr Anne Sizmur ei bod hi wedi bod yn bresennol yn ddiweddar yng nghyfarfod Un Llais i Gymru. Dywedodd fod Un Llais I Gymru yn ychwanegu mwy a mwy o Gyngorau Cymuned i'w ymbarél, ac mae'r Prif Weithredol yn cefnogi unrhyw anghenion o'r Gyngorau Cymuned. Awgrymodd y Cynghorwr Anne Sizmur fod y Clerc yn ysgrifennu at y Prif Weithredol i ofyn os gall unrhyw beth gael ei wneud oherwydd nid yw Cynghorwyr Cymuned yn cael ei diogelu gan yswiriant y cyngor pan eu bod ar ymweliad safle gyda staff Cyngor Sir Caerfyrddin.

PENDERFYNWYD: bod y Clerc yn ysgrifennu a Brif Weithredol Un Llais i Gymru.

9.3 Llwybrau Troed.

Gofynnodd y Cynghorwr Arnallt James, pryd mae'r llwybr troed sy'n arwain i'r bont newydd ar bwys Pantybanwen yn mynd i gael ei agor. Awgrymodd fod y Clerc yn ysgrifennu at Gary Carlsen.

PENDERFYNWYD: bod y Clerc yn ysgrifennu at Gary Carlsen.

9.4 Dwr Cymru.

Adroddodd Cynghorwr Annette Price fod Dwr Cymru yn gweithio yn y Betws ar hyn o bryd, a'u bod ond yn rhoi 5 munud o rybudd cyn bod nhw'r troi'r dw'r bant. Mae'r trigolion yn cwyno fod hyn ddim yn ddigon o amser i bobl sydd â phlant ifainc a phobl hen. Gofynnodd y Cynghorwr Annette Price os gall y Clerc ffonio Dwr Cymru i gwyno.

PENDERFYNWYD: bod y Clerc yn ffonio Dw'r Cymru i weld os mae hyn yn ymarferol.

